

Bakti Suksis UMS pupuk semangat kemasyarakatan

VB 6.S. 2019 B2

PROGRAM Bakti Suksis bersama masyarakat yang dianjurkan oleh Kor Sukarelawan Polis Siswa-Siswi (Suksis) Siri 1/2017 Universiti Malaysia Sabah (UMS) berlangsung dengan jayanya di Kudat.

Pengarah Program Muhammad Rajuan Holedal berkata, program tiga hari itu dijalankan bersama masyarakat di Kampung Milau dan Bandar Kudat serta Rumah Anak Yatim Darul Bakti, Kota Belud.

“Program ini antara lain bertujuan memupuk semangat kemasyarakatan dalam kalangan pelatih Suksis dengan komuniti setempat.

“Program ini turut



PEMBERIAN sumbangan barangan asas dan wang oleh Muhammad Rajuan (berdiri depan, tujuh dari kiri) kepada anak yatim di Darul Bakti, Kota Belud.

serta kerjasama World Wide Fund for Nature (WWF), Perikanan dan Taman-Taman Sabah,” katanya.

Sementara itu, Timbalan Ketua Jabatan Pencegahan Jenayah dan Keselamatan Komuniti (Operasi) Ibu Pejabat Polis Kontinjen Sabah ACP Yusuh B Mat Tais dalam ucapan perasmianya berkata, sikap serta semangat kerja berpasukan yang ditunjukkan sememangnya amat diperlukan bagi memangkin kejayaan dan kecemerlangan sesuatu program seperti Program Bakti Suksis itu.

“Program seumpama ini akan memberi suntikan semangat kepada kita semua

untuk memperkasakan lagi nilai-nilai kemasyarakatan dalam diri kita semua.

“Pada kesempatan ini, saya juga merakamkan setinggi-tinggi penghargaan kepada pelatih dan para jurulatih Kor Suksis UMS serta pegawai penyelaras Kor Suksis UMS, ASP Selvester Sopitang atas komitmen dan dedikasi yang tinggi dalam menjayakan program ini,” ujarnya.

Timbalan Naib Canselor Hal Ehwal Pelajar dan Alumni UMS Prof Dr Ismail Ali menyifatkan penganjuran program itu amat bertepatan bagi meningkatkan kemahiran insaniah dan memberi pendedahan kepada pelajar universiti untuk menjalin

hubungan baik dengan komuniti setempat.

“Dalam masa sama, program ini menunjukkan bahawa ciri-ciri seseorang pelajar itu bukan hanya menumpukan kepada akademik semata-mata bahkan juga terlibat aktif dalam aktiviti kokurikulum,” jelasnya.

Program itu melibatkan 50 pelatih Kor-Suksis UMS Siri 1/2017 dan dua pegawai bersama 10 jurulatih. Ia turut melibatkan 200 peserta terdiri daripada pelajar sekolah, ibu bapa dan masyarakat setempat.

Turut hadir memberi sokongan kepada program berkenaan ialah Ahli Dewan Undangan Negeri Tanjong Kapur merangkap Pembantu Menteri Perdagangan dan Perindustrian Chong Chen Bin.



GAMBAR kenangan Kor Suksis bersama Chong (depan, enam dari kiri) serta penduduk setempat.



GAMBAR kenangan Kor Suksis bersama penduduk Kampung Milau, Kudat.